



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imagines Sanctorvm Ord. S. Benedicti

Stengel, Carl

[Ort nicht ermittelt], M.DC.XXV

XVi. Ivlii. B. Eginō.

urn:nbn:de:hbz:466:1-38356

BEGINO Augustæ natus, & à teneris in Monasterio SS. Vdalrici & Afræ educatus, & sacris literis eruditus. miros in virtutum stadio progressus fecit. Tempore verò Schismatis Henriciani in S. Blasii cœnobium secessit, vbi etiam Gebhardo Constantiensi Episcopo, eadem causâ sede pulso familiaris effectus, eiusdem laborum comes indiuiduus, ab eodem semel ac iterum ad summum Pontificem ablegatus fuit. Inde ad Monasterium suum reuocatus Augustam, eidem Abbas præfectus fuit, A. C. MCIX. Vbi reformationi sedulo insistens, miraculis etiam claruit. Sed cum Hermanno Episcopo excommunicato communicare nolleret, ab eodem Cœnobio pulsus est; vbi stupenda acciderunt. Nam impio armatâ manu irrupente, ambitus claustrî terræ motu fortiter concussus est, & Campanili nutante, campanæ vltro sponte suâ sonitum ediderunt. Adhæc tumba S. Afræ, ferreis vinculis dissilientibus, ferè referata est. BEGINO cum duodecim fratribus euasit, & acceptis à Møguntino Archipræsule litteris commendatitiis, Rosellæ à Summo Pontifice benignè acceptus, cum eodem Romam profectus est. Vbi acceptâ de manu Pontificis sacra communione, & non semel ab eodem exosculatus, benedictione acceptâ, impetratisq; , quæ postulauerat, in reditu Pisis in morbum incidit, vbi sacramentis Ecclesiasticis munitus, sæpiusq; Psalmum *Laudate pueri Dominum* pronuncians, tandem in vltimo versu beatam Deo animam reddidit XV.

Iulii A. C. MCXXII. Quiescit in S. Michaëlis Camaldulensium templo. *Ex vitâ per Vdal-*
scalum.

